

Caro pinguis et boni saporis, praefertim si piscis affetur. Capitur in mari inter scopulos.

Carauna. Magnitudinem et figuram habet ut *Jurucapeba*, differt tamen capite et colore corporis. *Pinnas* quoque eodem modo positas habet ut ille. *Os* autem obtinet lunatum; dentesque habet acutissimos, sed minutos: *Branchias* amplas, quae aculeis in postica parte sunt munitae. *Oculi* versus summam capitis in lateribus positi non longe ab invicem haud magni, pupilla ovali nigra, quam ambit circulus ruber. Squammulis in universum vestitur lunatis, coloris miniati per totum, et ubique punctula nigra, magnitudine seminis papaveris insparfa habet, praeterquam in ventre.

Capitur in mari inter scopulos: estque edulis, molli admodum carne atque boni saporis.

Curruca, species *Corvinæ*; Piscis fluviatilis, sesquipodem longus, corpore oblongo; ore satis amplo, oculis mediocribus, nigris. *Pinnas* habet septem: unam per dorsi longitudinem ad caudam fere protensam, quae divisa est et prior pars latior, tres digitos ferme; et totidem longa, triangularis, spinis suffulta, posterior longior, sed exilior. Cauda fere quadrata. Squammas habet mediocris magnitudinis argenteas cum auro et subfusco paucis mixtas, praefertim in dorso et lateribus. Pinnae in dorso et lateribus ac

cauda, cinereae; in medio ventre flavescunt, et fuscescunt. Edulis est.

Guatucupa Juba, in duorum pedum longitudinem excrevit, dorso paulum incurvato. *Os* habet triangulare, acuminatum, dentes parvos acutissimos. *Oculos* magnitudine stufieri Hollandici, pupilla magna, nigra, splendens circulo rubro. *Pinnas* habet molles sine spinis in lateribus; nimirum unam in quolibet latere, post branchias, angustam, duos et semis digitos longam: duas tales junctas et ventre subter illas unica spina munitas: et unam prope anum digitum longam ac latam, unica quoque spina armatam. Ante medium dorsum versus occiput, incipit pinna desinens ad caudae initium, quinque digitos longa, unum fere lata, quae duabus et viginti spinis erigitur: cauda duos paene digitos longa, unum lata, pinnam habet plus uno digito longam et quatuor latam paululumque exterius versus interiora arcuatam. Vestitur squammis paulo majoribus, coloris argentei et striis flavis et ex argenteo rufescentibus, secundum longitudinem extensis a capite ad caudam usque. In utroque latere etiam a capite ad caudam eminens linea tendit. *Caput* ex argenteo, rufo, flavo mixtum. Pinnae albae sive argenteae, caudae pinna rufa: venter albus.

Capitur in mari inter scopulos. Boni est saporis, et lingua et caro circa mandibulas longe optimi ut in Carpione.

C A P V T V.

De Pira Juvumenbeca, Tamoata, Acara, et Pira Pixanga.

PIRA JURVMENBECA vulgo *Bocamolle*, quia molli ore et aquis extractis statim moritur: vivit in mari in coeno: oblongus piscis haud latus: novem aut decem interdum pedes longus, duos et semis latus, ubi latissimus. *Os* habet elevatum: quod ampliare et rotundare potest: oculos magnos, pupilla crystallina, circulo ex argenteo et brunno mixto. *Septem* habet pinnas, duas angustas postbranchiales, duos digitos longas: duas in infimo ventre junctas, duos fere

digitos longas, unum latas, unam post anum firma spina suffultam: sextam per dorsum extensam et bisectam; anterior ejus pars sesquidigito longa, unum lata, triangularis, quam erigere et in rimam recondere potest, mollis et translucens, altera pars usque ad caudam fere porrecta, tres digitos longa, semidigitum lata, itidem mollis. Septima est cauda, duos fere digitos longa, sesquidigitum lata, figura pentagoni, cujus basis inserta in corpus.

+ totum
9 plus